



Inatsisartuni ilaasortaq Hans Enoksen, Siumut  
-/maani

## **Nunaqarfinni atuarfinnit sanaartugassatut pilersaarutigineqartunit arlaat ukioq manna ukiunilu tulliuuttuni unitsikkallarnejarp**

Asasara Hans Enoksen

Apeqquteqaatigisat nuannaarutigisorujussuuaara, Naalakkersuisut tamatumunnga politikkiat nassuiassallugu periarfissimmanga.

Meeqqat atuarfiinut pilersaarummi alliliinissamut, allanngortiterinissamut iluarsaassinissamullu, kiisalu atuarfinni ataasiakkaani ukiuni qulini ukiumut 100 mio. koruuninik = 1 mia. koruuninik aningaasaliiffigineqarnissamut pisariaqartitsiviusuni pilersaarutaasuni tulleriiaarinissamut pisariaqartitat ataatsimut nassuiarneqarput.

Tulleriiaarinissamut tunngavissat uku malillugit suliassat tulleriiaarneqarput:

- QANOQ ISSUSEQ
- INISSAQ
- PERORSAANEQ

Maannamut aserfallakkiartornerat unitsinniarlugu illoqarfinni atuarfiit silataat iluarsaanneqarsimapput. Tamatuma saniatigut illoqarfinni atuarfiit arfinillit aamma nunaqarfinni atuarfiit 13-it aallartinneqarsimapput naammassineqarsimallutillu.

Immikkoortumut pilersaarut 2004-mi akuerineqarmalli, iluarsaassinissamut aningaasartuutissat 385 mio. koruuninik amerlisimapput, tamannalu iluarsaassinerup maannamut sukkassuserisimasaa tunngavigalugu iluarsaassinerup ukiunik sisamanik sivitsomeranik malitseqarpoq.

Iluarsaassinissamut aningaasartuutissat qaffangaatsiarnerat, aammalu meeqqat ikiliartornerat tunngavigalugit Naalakkersuisut "unitsitsigallarnissaq" kissaatigisimavaat, taamaaliornermikkut aningaasartuutissat inuiaqatigiit ineriartornerannut aammalu innuttaasut siunissami najugaqarfissaannut naleqqiullugit nalilersorneqassammata.

Sanasunut akit qaffangaatsiarnissaat pinngitsoorniarlugu, aammalu sanaartornerit meeqqat amerlassutsimikkut ineriartornerannut pitsaanerusumik

15.10.2009

Postboks 909  
3900 Nuuk  
Oq/tel +299 34 54 00  
Fax +299 34 54 10  
aan@gh.gl  
www.nanoq.gl/aan

naleqqussarneqarnissaat anguniarlugu, Naalackersuisut iluarsaassinissamut aningaasaliissutaasartut ukiumut 80 mio. koruuninut ikilisippaat. Taamaalilluni piffissaq iluarsaassinissamut atorneqartussa q ukiunut pingasunut sivitsorneqarpoq.

Naalackersuisut nunaqarfinni ineriartorneq misissuiffigissavaat pilersaarusiussallugulu, taamaalillunilu sanaartornissamut aningaasaliissutissat ineriartortitsinissamut periarfissaqarfiusunut tutsinneqassapput.

Siunissami nunaqarfinni atuarfiit iluarsaanneqarneranni nunaqarfiit ininik atuartitsiviusunik, katersortarfinnik oqaluffinnillu pisariaqartitsinerat naammassiniarneqassaaq.

Taamatut unitsitsigallarnemi atuarfinnik iluarsaassinissat, Inatsisartunut qinersinermut atatillugu sanaartornerup unitsinneqarnera sioqqullugu aallartinneqarsimangitsut ukiumik ataatsimik kinguartinneqassapput. Tassani illoqarfinni atuarfiit marluk aamma nunaqarfinni atuarfiit qulingiluat, pilersaarusiorneqarnerminni assigiinngitsunik killiffeqarlutik unitsinneqarsimasut pineqarput. Suliat ingerlareersut tamarmik ingerlanneqaannassapput.

Ikinngutinnersumik inuulluaqqusillunga

Jens B. Frederiksen